

# Merd ekalkah alam sekitar kita?

**M**ENTERI Sumber Asli dan Alam Sekitar Datuk Seri Dr Wan Junaidi Tanuku Jaafar baru-baru ini membuat pernyataan yang jelas tentang komitmen kerajaan berkaitan kualiti alam sekitar dan pemuliharaan kepelbagaian biologi negara untuk masa sekarang dan untuk generasi yang akan datang.

Sempena menyambut Hari Kebangsaan dan dalam proses Transformasi Nasional 2050 (TV50), tema Negaraku Alam Sekitar ku amatlah sesuai dan mesti difahami, dihayati dan dilaksanakan oleh semua rakyat Malaysia.

Namun begitu walaupun kerajaan telah menunjukkan komitmen yang tinggi keadaan alam sekitar kita masih belum pada tahap terbaik, kos pengurusan sampah masih tinggi, pencemaran bahan kimia masih berlaku, aktiviti penebangan balak atau pembalakan hutan masih berlaku tanpa kawalan yang baik, kejadian banjir lumpur masih berlaku, masih ada pihak yang tidak puas hati dengan pengurusan alam sekitar dan alam semula jadi oleh kerajaan.

Perkara ini terus berlaku mungkin kerana kita belum mempunyai undang-undang yang mantap dan pelaksanaannya yang masih longgar. Perkara berkaitan dengan undang-undang mestilah dilihat dengan lebih terperinci selari dengan dasar kerajaan dan proses pelaksanaan atau penguatkuasaan undang-undang yang ada. Undang-undang di semua jabatan berkaitan mesti dilihat semula dan diselaraskan agar dalam proses perancangan, pembangunan dan penguatkuasaan undang-undang ada keseragamannya dan tidak ketinggalan dalam membuat keputusan yang melibatkan alam sekitar dan pengurusan serta pemuliharaan sumber asli negara.

Kalau dilihat kenapa isu pencemaran bahan kimia, banjir lumpur, pembangunan di kawasan penampungan sungai, pembalakan harau dan kehilangan kepelbagaian biologi terus berlaku mungkin kerana pelaksanaan undang-undang



Bersama DR. AHMAD ISMAIL



yang tidak seragam dan tidak berkesan.

Kelengkapan undang-undang sedia ada, integrasi antara jabatan, pengetahuan penguatkuasa undang-undang dan kuasa yang diberikan kepada penguatkuasa dalam hal alam sekitar untuk menguatkuasakan undang-undang mestilah dilihat dengan terperinci. Penglibatan pakar undang-undang dan pakar berkaitan alam sekitar dan kepelbagaian biologi mestilah dilihat sekiranya memerlukan kajian semula undang-undang dan kaedah pelaksanaannya.

Pengalaman dalam mengubah Dasar Kepelembagaan Biologi Negara 2016-2025 misalnya melibatkan nasihat dan pandangan pakar-pakar dan ahli sains dari dalam dan luar negara. Maklumat daripada seminar dan konferens dirujuk dan dianalisis bagi memantapkan dasar yang digubal. Ini penting agar dasar yang digubal itu berada pada landasan tepat dan boleh mencapai matlamatnya.

Maklumat tentang undang-undang ini mestilah diterjemahkan dengan cara terbaik untuk semua masyarakat supaya faham, mempunyai kesedaran dan menjadi agen kerajaan dalam memastikan undang-undang berjalan selari dengan dasar kerajaan tentang alam sekitar dan kepelbagaian biologi untuk kepentingan masyarakat dan negara. Perkara kedua penting ialah pengetahuan yang lengkap



WAN JUNAIDI TUANKU JAAFAR (dapan, kanan) menyatakan komitmen kerajaan untuk memastikan penjagaan dan pengurusan alam sekitar lebih berkualiti.

dikalangan masyarakat tentang alam sekitar dan kesannya kepada manusia. Misalnya berapa ramai masyarakat Malaysia faham apa yang berlaku setelah mereka membuang satu beg plastik di luar rumah. Berapa ramai yang akan berkata beg plastik itu akan di bawa angin atau air ke longkang dan akhirnya ke sungai dan kemudian ke laut.

Di laut akan memberi kesan kepada hidupan liar seperti penyu, ikan atau ikan paus yang akan mengancam populasi haiwan itu yang mana akhirnya boleh mengganggu kestabilan cuaca dunia.

Mungkin juga ada yang akan berkata beg plastik itu akan dikutip pihak berkuasa tempatan (PBT) dan dibawa ke tapak pelupusan sampah yang kemudiannya ditimbus di situ untuk sekian lama.

Sudah banyak dibincangkan dalam media massa, seruan PBT dan diajar di dalam bilik darjah secara formal, plastik boleh memberikan kesan kepada alam sekitar secara fizikal atau secara pencemaran bahan kimia. Begitu juga kefahaman tentang pennebangan hutan yang boleh

mengakibatkan banjir lumpur, kehilangan kepelbagaian biologi negara dan akhirnya membetkan kesan kepada manusia dari segi ekonomi dan kesihatan.

Masalah pencemaran air sungai yang mengganggu bekalan air minuman dan kegunaan domestik telah lama mengajjar masyarakat. Ringkasnya pengetahuan masyarakat tentang alam sekitar dan rantaian masalah yang serius mestilah difahami bukan sahaja melibatkan kos tetapi menjadi bencana alam yang merugikan dan kesan kepada kesihatan kehidupan termasuk manusia jangka pendek dan jangka panjang.

Kefahaman tentang rantaian kesan ini sangat penting dan berkait rapat dalam mengubal dan menguatkuasakan undang-undang. Semua pegawai kerajaan dilatih untuk menguasai maklumat tentang dasar, maklumat tentang alam sekitar dan kepelbagaian biologi negara serta undang-undang terlibat. Dengan kefahaman yang lengkap pegawai berkaitan dapat menjalankan tugas dengan baik

**ORANG ramai berpeluang memikmati keindahan alam sekitar program pemuliharaannya sentiasa dilaksanakan.**




PEMULIHARAAN spesies merupakan sebahagian daripada penjagaan alam sekitar.

## Pulihkan alam sekitar menerusi NBOS

**S**EMUA PROGRAM kerajaan dalam memastikan persekitaran yang sihat dan kepelbagaian biologi negara diaga perlu diambl maklum oleh semua rakyat. Ini penting agar semua peringkat masyarakat memahami dan dapat menyokong usaha kerajaan untuk negara. Lebih banyak publisiti perlu dilakukan untuk meningkatkan pengetahuan dan kesedaran awam berkenaan kesejahteraan, perlindungan dan pemuliharaan alam sekitar. Untuk memberi kesedaran dan amalan dalam kalangan masyarakat bukanlah sesuatu yang mudah. Kerjasama semua pihak termasuk pertubuhan bukan kerajaan diperlukan.

Menyerusi Strategi Lautan Biru Kebangsaan (NBOS) sebagai langkah kerjasama antara jabatan dan institusi bagi mengurangkan pencemaran, bekerjasama menyelesaikan sesuatu masalah atau agenda adalah satu pendekatan yang baik namun begitu kefahaman dan kerjasama antara jabatan perlu



JIKA sungai tidak tercemar, panorama sekitar menjadi lebih indah.

**INFO**

- Peranan burung enggang di Hutan Belum-Temenggor, Perak dan Hutan Ulu Muda Kedah akan terjejas sekiranya habitatnya terganggu memberi kesan kepada kepelbagaian biologi negara.

- Keurnikan 10 spesies burung enggang yang berperanan dalam kestabilan hutan dan sumber ekonomi negara melalui aktiviti elko pelancongan

- Dengan adanya burung enggang habitat mesti dijaga.

- Habitatnya berkepentingan untuk sumber air minuman, domestik, pertanian dan perindustrian di beberapa negeri di Semenanjung Malaysia dan kepentingan hutan dalam pelancongan, perindustrian dan pertanian.



Kemarau yang menyebabkan kerugian berjuta ringgit dan mungkin kehilangan nyawa. Denda yang dikenakan yang melibatkan alam sekitar perlu dikaji dengan mengambil kira rantaian kesan yang berlaku. Misalnya kes penebangan hutan dan penarahan bukit menyebabkan cerun bukit terdedah kepada hakisan hujan lebat yang boleh menyebabkan banjir lumpur merosakkan sistem sungai menjadi cetek atau hakisan tebing sungai yang membahayakan masyarakat setempat sehingga dengan kerugian yang dialami oleh kerajaan dan masyarakat setempat serta kemusnahan alam sekitar.

Kalau sungai tercemar di hulu maka kesannya juga dapat dilihat di hilir dan muara sungai.



PROGRAM kitar semula antara kaedah pemuliharaan yang terbaik.

ditingkatkan lagi. Kejayaan pengurusan alam sekitar sangat mencabar dan sukar ditukur sekranya Tada komitmen tinggi kerajaan, Penglibatan secara individu pemimpin tertinggi negara, pegawai kerajaan, NGO, dan masyarakat amnya boleh membantu kejayaan pengurusan alam sekitar. Malaysia sudah jelas komited di peringkat kebangsaan dan

antarabangsa dalam banyak hal berkaitan kepelbagaian biologi, perubahan cuaca dan pemuliharaan hutan. Komitmen dan pandangan jauh kerajaan tentang alam sekitar dan kepelbagaian biologi mestilah difahami masyarakat dan disokong sepenuhnya. Alam semulajadi negara adalah warisan bangsa sesuai dengan tema Negaraku Alam Sekitar ku.